



UNIVERSITÄTS-
BIBLIOTHEK
PADERBORN

Notitia Congregationum Et Tribunalium Curiae Romanæ

Plettenberg, Hunold

Hildesii, 1693

Cap. XXXII. De Congregatione pro status Ecclesiastici gravaminibus
sublevandis.

[urn:nbn:de:hbz:466:1-63032](https://nbn-resolving.org/urn:nbn:de:hbz:466:1-63032)

causæ ipsi incumbant, & Communitates norint, apud quem querelas & gravamina sua deponere possint, eorumque expeditionem sollicitare.

9. Non immiscet se vero hæc Congregatio negotiis Communitatum Urbis Romanæ, quæ tractantur in Camera Populi Romani, cui præsunt Conservatores; Neque causis Civitatum vel Provinciarum, quæ per Cardinales Legatos administrantur, prout dictum est capite præcedente de Congregatione Consultæ. *De Luca Rel. Rom. Cur. disc. 26.*

CAPUT XXXII.

De Congregatione pro Status Ecclesiastici Gravaminibus sublevandis.

1. *Quod sit Officium hujus Congregationis.*
2. *Qui eam ingrediantur; ubi & quando habeatur.*

I.

NE populus sanctæ Sedi subjectus nimium exactionum oneribus gravetur, instituit Sixtus V. *Const. 74. Immen-*

sa

1. Congregationem Cardinalium, quæ gravamina quæcunque vectigalium, tributorum cujuscunque generis illa sint, eorumque exigendi rationes, Quæstorum injurias, Commissariorum extorsiones judicii formâ planè postpositâ manu regiâ audiat & cognoscat, & si possit, controversias componat, quod si res transigi nequiverit, eam ad Pontificem deferat, ut is quod æquum fuerit, ejusdē Congregationis consilio definiat; Causæ verò in quibus judicialis ordo requiritur, propriis judicibus de jure decidendæ relinquuntur. *Sixtus V. l. c.*

2. Constituitur hæc Congregatio ex quatuor vel sex Cardinalibus, sex vel octo Prælatibus, & uno Secretario; Præses seu caput illius est Cardinalis Nepos, qui omnes literas & ordinationes, quæ ab hac Congregatione dantur, subscribit. Prælati & Secretarius vestiuntur violaceo, & titulum habent familiarium & continuorum commensalium Summi Pontificis. Prælati præter panem & vinum, quod accipiunt ex Palatio, habent quotannis mille Scuta, & Secretarius duo millia. *Lunadoro.* Habetur hæc Congregatio die Sabbati in Palatio apud Cardinalem Nepotem,

CAPUT